

QVÆSTIO MEDICA;
QVODLIBETARIIS DISPUTATIONIBVS

MANE DISCVTIENDA IN SCHOLIS MEDICORVM, DIE IOVIS XII. MENSIS DECEMBRIS,

MAGISTRO IOANNE DV CLENT DOCTORE MEDICO MODERATORE.

639.

An alij surdi, etiam muti?

RERVm omnium Sympathia est, cælestium cum elementaribus, sensu carentium cum animatis, animatorum adinuicem: pro vario solis positu & aspectu alij procero corpore homines, vt in zona torrida, alij longioris, vt in frigida nascuntur, nec omnis fert omnia tellus. Audaces alit Gallia & eloquentes, stupidos Germania, Hispania superbos. Totus huius harmonia est ex reciproca partium, actionū, officiorū consonantia: Tanta cerebri & ventriculi coniunctio vt à sumpto multo croco lethalis in risus species conuulsio sequatur: Thoracis & testium, Stomachi & renum, brachij & diaphragmatis, calcani & quartæ lumborum vertebræ consensus admirabilis.

SENSVM mutua syntimoria, quatuor internorum & quinque externis, externorum *αὐτῶν*. Ex his nobilior visus fit per specierum receptionē: utilior post tactum auditus celeritate anteverit olfactum, quo solo nutiri animalia credibile non est, cum ad alimentum explorandum gustus inferuiat: huic pro organo lingua data est, spongioso suo corpore bifido potius quàm membrana suarum omnium sapores ac temperamenta distinguens: Est & organum articulata vocis lingua tam in brutis quàm in hominibus, cuius tanta coniunctio est cum aure, vt ab hac in illam vitia interdum transfundantur.

INGENS auris noxa *κόσμος*, insignis linguæ calamitas *καταστροφή*, præsertim mulieribus quibus, vt mens, sic lingua volubilior. *Καρδίου* aër externus à soni qualitate affectus vicinum aërem alterans, & hic atque alium locum aërem pertingat, & in meatum *ἐκδοτικόν* se se insinuet nullo modo percipitur, tympanum licet pulset, ossicula tria moueat, & ingenito aëri committatur: Nervus quippe coniugationis quintæ solidus, vt cæteri, contracta ex semine aut materno sanguine praua *διabησι*, soni speciem ad cerebrum (quod omni sua parte principum functionum sedes est) deferre non valet.

MVTITATE perit *φωτὴ, φῶς τὸ πῦρ*, ætatis temperamenti, sexus index: vocis instrumenta varia, labia, dentes, palatum, epiglottis, glottis, larynx, columella, aspera, arteria, pulmo, nares, præcipuum sermonis organum lingua, cui motus & flexus ad miraculum multiplices à natura concessi. Vt à linguæ colore, sapore, motu, aliisque accidentibus sanitatis & morbi signa reperuntur: sic à voce acuta, graui, magna, parua, leui, aspera, longa, breui, tenebrosa, tremula, tarda, clangosa, rauca, &c. partium ætatem & interdum totius corporis *διabησι* deprehenduntur.

GRAVE malum cum linguam occupat mutitas, eluibilis tamen aliquando, nisi cum surditate ab ortu nata oboriatur. Non quod nullam *διὰ λεγόν* addiderunt, surdi etiam muti fiunt, sed ob *κακοφωνίαν* partium vocalem & auditui inservientium: Decipiuntur qui nervos quintæ ac septimæ *αὐχίνας* censent in exortu suo eadem tunica indutos. Nervus quintæ coniugationis maiori furculo ad aurem distributo, minori sua portione per canaliculum deuectus in fauces delabitur, transmissis propaginis partim ad nares & buccas, partim ad radicem dentium, linguam, & laryngem. Prava igitur *διὰ βουήν* correptus ille nervus vt soni speciem ad cerebrum non deferens surdos facit, sic vocis organa præpediens mutos.

Ergo ortu surdi, etiam muti.

106

Proponebat Lutetiæ ANTHONIVSSVART' Cenomanus, Anno R. S. H. M. DC. XXIV.

DOMINI DOCTORES DISPUTATVRI.

M. IACOBVS ADAM.

M. CLAVDIVS DE POIS.

M. IOANNES MARTIN. P. R.

M. PAVLVS LE CONTE.

M. ARDIVS LE BLANC.

M. GUILIELMVS DE VAILLY.

M. MICHAEL DE LA VIGNE.

M. IACOBVS PERREAV.

M. FRANCISCVS L'ESPICIER.

